

## Á MESA DO PARLAMENTO GALEGO

A deputada **Eva Solla Fernández** e os deputados **Xabier Ron Fernández, Juan Manuel Fajardo Recouso Xosé Manuel Beiras Torrado, Antón Sánchez García e Ramón Vázquez Díaz**, membros do **Grupo Parlamentar da Alternativa Galega da Esquerda (EU-ANOVA)**, ao abeiro do recollido no artigo 157 do Regulamento da Cámara, presentan a seguinte **Pregunta escrita**, relativa ao despedimento dos traballadores do GES de A Fonsagrada e Guitiriz.

Coa renovación do convenio de colaboración en materia de emerxencias e para apoiar ao funcionamento dos Grupos de Emerxencia Supramunicipais (GES) para 2016-2018, suscrito entre a Xunta, a FEGAMP e as deputacións provinciais, vén de acontecer un feito chamativo: as plantillas dos GES veñen de seren renovadas coa excepción das de A Fonsagrada e Guitiriz.

Lonxe de compartir o modelo de emerxencias do goberno galego caracterizado pola falla de coordinación, pola atomización, as privatizacións e a falla mesmo do cumprimento de contidos clave da vixente lei 5/2007, do 7 de maio, de emerxencias de Galicia, este grupo parlamentario non pode compartir un uso sectario e caciquil da política de contratacións dos grupos de emerxencias supramunicipais. Os concellos de Guitiriz e A Fonsagrada teñen optado polo despedimento das plantillas que conformaban os respectivos GES, mantendo no caso do de Guitiriz a algún membro do grupo.

A cláusula terceira do devandito convenio prescribe que cada GES contará cunha estrutura profesionalizada e de carácter permanente. E no anexo sétimo sobre medios persoais, ao referir a contratación do persoal – e logo de sinalar tanto a carencia de persoal especializado agás o moi limitado dos parques comarcais de bombeiros e a necesidade de formación e experiencia – se indica que aqueles concellos que á sinatura do convenio dispoñan de persoal seleccionado consonte aos principios de publicidade, mérito e capacidade poderán continuar a adscribilos ao servizo dos GES.

Polo sinalado, o grupo parlamentario da AGE formula a seguinte pregunta para a súa resposta escrita:

- De que información dispón a Xunta en relación cos despedimentos producidos nos GES de A Fonsagrada e Guitiriz?
- Contempla a Xunta convocar a Comisión de Seguimento Mixta e Paritaria prevista no convenio para deixar sen efecto estes despedimentos?

En Compostela, a 15 de febreiro do 2016.

Asdo. Xabier Ron Fernández

Asdo. Eva Solla Fernández

Asdo. Antón Sánchez García

Asdo. Xosé Manuel Beiras Torrado

Asdo. Juan Manuel Fajardo Recouso

Asdo. Ramón Vázquez Díaz

**Asinado dixitalmente por:**

**Eva Solla Fernández na data 15/02/2016 11:22:50**

**Jose Javier Ron Fernandez na data 15/02/2016 11:22:56**

**Xosé Manuel Beiras Torrado na data 15/02/2016 11:23:00**

**Anton Sánchez García na data 15/02/2016 11:23:02**

**Ramón Vázquez Díaz na data 15/02/2016 11:23:04**

**Juan Manuel Fajardo Recouso na data 15/02/2016 11:23:06**